

Hei ja bures bohtin mu vuosttas Nuoraidráđđi-videoi. Mu namma lea Britt-Inger Ruotsala. Mun lean 20-jahkásaš ja mun lean eret Eanodaga gielddas Heahtá gilis ja mun lean dál álgimin dahkat deike vehá sisdoalu.

Ja duođaidge dát lea mu vuosttas video dáppe, nu diedusge mun háliidivččen mitalit vehá iežan birra álggus ja ahte maid mun liikon dahkat mu friddjaáiggiin. Ja nugo mun eske jo dadjenge, nu mu namma lea Britt-Inger. Mun lean 20-jahkásaš ja mun lean eret dáppe Eanodagas. Mun maiddái gulan boazobearrašii ja mu bearrašii gullá áhčči, eadni, unna oappáš ja hui ollu eallit.

Ja maid mun liikon dahkat mu friddjaáiggiin, lea ahte mun liikon trenet hui olu lášmmohallanbáikkis, johtit hui olu luonddus ja meahcis, čierastallat, vuodjit skohteriin ja govvet ja editeret hui olu. Ja mun maiddái liikon leat mu ustibiiguin, bearrašiin dehe irggiin. Muhto juo, mun álggán almmustahttit mu videoid deike YouTube-beallái guokte geardde mánus ja gánske muhtumin vel boahttevuodas ovtta geardde vahkus. In dieđe vel. Mun sáhtán maid čállit bloggateavsttaid duohko Nuoraidráđi siidduide ja daningo mun liikon hui olu editeret ja govvet, mus lea hui olu materiála ja mun lean ráhkadan didjiide diekkár oanehis video vel, ahte dii beassabehtet oaidnit, ahte makkár mu eallin lea ja maid mun liikon dahkat mu friddjaáiggiin. Ja dat video boahotá dás.

Na das lei diekkár oanehis bihtá mu eallima birra, ja mun fáhkkestaga fuomášin ahte mun lean vajálduhtán dadjat hui dehálaš ášši mu birra. Ja dat lea ahte mun ráhkistan maiddái olu mátkkoštit ja mátkkošteapmi munnje lea dego nubbi eallinvuohki. Nu ahte dat lea hui dehálaš mu eallimis. Muhto giitu olu go geahčadit dán video. Mun sávan ahte mii oaidnit fas čuovvovaš geardde dáppe. Nu ahte ii eará go *ha det!*

Sánit:

Nuoraidráđđi = Nuorisoneuvosto

gielda = kunta

lean álgimin = olen alkamassa

sisdoallu = sisältö

duođaidge = tosiaankin

álggus = aluksi

eske juo dadjenge = äsken jo sanoinkin

lášmmohallanbáiki = kuntosali

dehe = tai (myös dahje)

almmustahttit = julkaista

ovtta geardde = yhden kerran

siidduide = sivuille

ráhkadit = tehdä, valmistaa

diekkár = sellainen

bihtá = kappale, osa, pätkä

fáhkkestaga = yhtäkkiä

vajálduhttit = unohtaa

mátkkošteapmi = matkustaminen

eallinvuohki = elämäntapa

sávvat = toivoa, toivottaa

čuovvovaš = seuraava